

2 JUAN

Biek numiim hēsap Juanau p'ã deepłitarr

K'afu p'ãji maimua k'ai hat'eeta p'ãji. Hachamł maimua hābak'ai biek t'arjupam hich Juanau p'atarr dāi hoowai bəgt'ł k'it'ēm, maimua hābpaim dāi hamach numpai hiyłł nāmjōta p'ā sim. Deeum k'łłn jaau simjō hichdēupai hich jaauwai hiin “jōoin” haajem (v. 1). Hīs nasi pawī hoowai maadēu hajappai k'augba nām k'aigta deepłiji. Pogk'a negōon dēn gaai hoowai iglesiaag hajimjōo sim; mamł hīchab hoowai hłłi hāb Cristo gaaimua hich dāi k'odk'a sierragta deepłijimjōojā sim. Maach hat'ee chan mag hajap dawaa k'aba siewai k'augba naab mamł, hich chi p'atarr jōoirau nem k'aauga siejim, k'ai hat'eeta p'ā sieji.

K'an jawaagta p'ãji. Młg cartadam bat'ł k'itab mamł Juanau nem hiek t'eehta hiek'a sim, mag Hēwandam hi gaai t'łwi sīi parhoobam k'tirjug jaau wēnłrrarr gaaimua chi hłk'a durrarr k'łłn k'ūgur hauwi hamachig paa hauju hēk'a wēnłrrarr k'łłn hēugar. Hi hiek jāgłm k'łłnau Cristoou jaau paatarr hiek k'abamta dich haig bēewi jaaucheewai dich di haigjā jēerpibaju haai sim haajem. Magłm k'łłnag chan “Hłu pāar bēejim” wa “Hłu petat” hajujā k'aba sim hanaabā. Mag nłrrjēm k'łłnta maadēu dich haig jēerpinaa ham hajap'a trataawain dich paarmuata hamau mag sēuk'a nem jaau wēnłrramjā dāi jaauanaa hamau nem k'aigba wau wēnłrramjā dāi wau nāmjō sim hanłm (vs. 10-11).

Dich k'apeen daupii wēnłrraju haai nām

¹Młłn Juanau. Młch chi jōoirauachata pāar hich Hēwandamaucha hich iglesiak'a hautarr k'łłn hat'ee młg hēsap p'ā chirłm, hag hee t'um chi hłk'a durrum k'łłnag. Mua chadcha pāar k'ōsi chitłm; wajapcharan młch happaimua k'aba, t'um har maachjō Hēwandam hiek chaarta k'ap'ł nām k'łłnaujā hagjō pāar k'ōsi nām. ²Mua mag pāar k'ōsi chitłmłn, Hēwandam hiek chaar młchdēu hłk'a chirłmta pāraujā hłk'a naawaiu; mag chadam hiek maachdēu hłk'a nłmłn młg hatag pawiajā hich mag maach t'āar hee sierraju. ³Hēwandam chi Hayau maimua chi Hiewaa Jesucristooujā pāar hłu wai naapim k'ōsinaa pāar heeg hoopim k'ōsi chirłm dāi hīchab pāachdēu chadam hiek hłk'a nām gaaimua k'ōinaa hagdajō dich k'apeenjā k'a k'ōsita wēnłrrapim k'ōsi chirłm.

⁴MΛ honee chirΛm keena, chadcha p̄aar hee h̄āaur k'ΛΛn hich Hēwandamau maachig wēnΛrrapi jaau simjō hamachdēu chadam hiek h̄lk'atarr hipierraata wēnΛrram mΛch daúa hootarr haawai. ⁵Hīs̄jā nawe p̄aachig jaautarr hiekpaita deeu p̄aaba p̄arag, hagdaujō dich k'apeen k'a k'ōsi haju haai nΛm ha chirΛm. Mua p̄arag mag p'ā deep̄i chirΛm chan hiek h̄iur k'abam; mΛg hiek'an warr p̄aachdēu h̄urtarr hiekpau. ⁶Chadcha chi Hēwandam k'ōsi simuan hirua nem jaau sim t'um hi hipierraata nem waaujem. Pari h̄l̄rcha hirua maachig waupi jaau simΛn, har nacha p̄aachig jaau nΛm haig h̄urtarrjō, hagdaujō dich k'apeen daupiita wēnΛrrapi jaau simΛu.

Sii chik'am k'ūguurjem k'ΛΛn

⁷Jāg hōor pōm s̄i s̄euk'a p̄aar k'ūguraagpai Jesús chan woun chaar k'abamta jāg nΛrrajim ha jaau nΛm k'ΛΛn k'apan t'Λnaawai, muan p̄aragan warrgarwe mag p̄aachdēu h̄lk'atarr hiekta k'īir heyaa hapi chirΛm, hΛdΛΛr p̄aach k'ūgurpimaaugau. Chi jāg wēnΛrram k'ΛΛnan s̄i chik'am k'ūguurjem k'ΛΛn hanaa Cristojā hoomap'a nΛm k'ΛΛnau. ⁸P̄aachdēu Hēwandam hiek h̄lk'atarr gaai hubΛ wēnΛrram paar h̄l̄gt'ar paawaijā hirua deeu ha sim t'um chadcha haum k'ōsi nΛm k'ai, k'īir k'ap'Λnaa hōor s̄i jāg s̄euk'a nΛrrjēem k'ΛΛn hiek hoob h̄lk'amiet. P̄arau magba hΛdΛraata hamag p̄aach k'ūgurpim chan hirua mag nem deeu ha simjā t'umcha haubaju.

⁹Hābmua k'āijā maach P̄or Jesucristo hiekta bigaau siunaa hag k'āai wajaapcharamta jawaag hawia hi hiek k'abamta jaau nΛrrΛmΛn, magan Hēwandam hi d̄i k'aba sim. MamaΛ Cristoou jaau p̄arr hiek hichdēu h̄lk'atarra hogdΛba h̄lk'a simΛn chadau hich Hēwandam chi Haai d̄i chi Hiewaajā hi d̄i nΛm. ¹⁰Hābmua k'āijā p̄aach di haig bēewia Cristoou jaau p̄arr hiek k'abamta jaaucheewai hoob p̄aach di haig jēerpimiet, ni s̄i hirig h̄lu pΛ bēejim wa h̄lu pet k'āijā hamiet. ¹¹Chi mag nΛrrjēem k'ΛΛnag saludaa nΛm k'ΛΛnan hamau mag nem k'aigba jaau nΛmjā d̄i hamach paarmua jaau nΛmjōta nΛm, magΛm gaaimua warag hōor hok'oomk'īir.

Hābmiem salud

¹²P̄arag nem jaaju pōoma wai chirΛm; pari s̄i mΛg hēsap gaaipai chan mua jaaup̄ibam. Magju k'āai mΛchchata p̄aar haar mawia p̄aar d̄i k'īirchata hiȳΛΛ ham k'ōsi chirΛm, maach t'umaa hāba wajaapcha honee Haag.

¹³Maujā hīchab p̄arrjō hich Hēwandamaucha jΛr hawia Cristo gaaimua p̄aar iglesia heem k'ΛΛn d̄i k'odk'a durrum k'ΛΛnau p̄arag salud deep̄i nΛm.

MΛgdam hajim p̄arag jaau hig chirarr. Hayoo keena,

Juan